

**Naalackersuisut utoqqalinersiat pillugit Inatsisartut peqqussutaata nr. 3-p 7. maj 2007-imeersup allanngortinnissaa siunertaralugu siunnersuummik saqqummiussaqaqqullugit peqquneqarnissaannik aalajangiiffigisassatut siunnersuut, aapparisaq imaluunniit inooqatigisap toqkkut qimagunneratigut utoqqalinersiaasa qaammatini marlunni tulluuttuni aapparisaq qimataasumut tunniunneqartalernissaat siunertaralugu**  
*(Inatsisartunut ilaasortaq Debora Kleist, Inuit Ataqtigii)*

**pillugu**

**Ilaqtariinnermut Ataatsimiititaliap**

**ISUMALIUTISSIISUTAA**

**Aalajangiiffigisassatut siunnersuutip aappassaaneerpeqarnerani saqqummiunneqartoq**

Ilaqtariinnermut Ataatsimiititaliap suliarinninnermini ukuninnga inuttaqarpoq:

Inatsisartunut ilaasortaq Debora Kleist, Inuit Ataqtigii  
Inatsisartunut ilaasortaq Jane Petersen, Inuit Ataqtigii  
Inatsisartunut ilaasortaq Astrid Fleischer Rex, Demokraatit  
Inatsisartunut ilaasortaq Ruth Heilmann, Siumut  
Inatsisartunut ilaasortaq Naja Petersen, Atassut, sinniisussaq

Ulloq 14. oktober 2009-mi Inatsisartuni siullermeerinerup kingorna aalajangiiffigisassatut siunnersuut Ilaqtariinnermut Ataatsimiititaliap misissorpaa.

### **Apeqqutit**

Apeqqutit arlallit akineqarnissaannik Ilaqtariinnermut Ataatsimiititaliap Isumaginninnermut Naalackersuisoq qinnuigaa. Naalackersuisunut ilaasortaq akissutaata nuutinera Ilaqtariinnermut Ataatsimiititaliap apeqquteqaataanut ilanngullugu isumaliutissiisummut matumunnga ilanngussatut ilanngunneqarpoq.

Pisariaqarnera naapertorlugu akissut isumaliutissiisummi Ilaqtariinnermut Ataatsimiititaliamit ilanngunneqartassaaq.

### **Siunnersuutip siunertaa imarisaalu**

Inooqatigisap aapparisaq imaluunniit toqkkut qimagunnerani utoqqalinermi pensionisiaasa aapparisaq qimagaasumut utoqqalernermi pensionisialimmut qaammatini marlunni tunniunneqartarnissaannik qulakkeerinninnissaaq siunnersuuteqartup kissaatigaa.

**Ilaqutariinnermut Ataatsimiititaliap oqaaseqaatai**

Inooqatigisamik aapparisaamilluunniit annaasaqarnermi ajornartorsiulertarneq pillugu partiinit Naalakkersuisunillu oqaaseqaatigineqartut ilassuteqarfiginagit Ilaqutariinnermut Ataatsimiititaliamit taparserneqarput.

Toqusoqarnerani inatsisikkut periarfissiissutigineqartut iluini kommunit sullississutigisartagaat ikiuutigisartagaallu Isumaginninnermut Naalakkersuisoqarfimmit ilisimasaqarfigineqannginnerat naammaginangitsutut isigineqartariaqarpoq.

Ullumikkut kommunit sisamaapput kommunillu taakku sisamat isumaginninnermut tunngasuni inatsisinik annertullutillu amerlasuunik qanoq aqutsinerat Isumaginninnermut Naalakkersuisoqarfiup ilisimasaqarfigissallugu pisussaaffigaa.

Siusinaartumik pensionisiallit siunnersuummut ilanngunneqarnissaat siunnersuummik siullermeerinnermut atatillugu soqutigineqarpoq.

Inooqatigisap aapparisaamilluunniit toqukkut qimagunnerani utoqqalinermi imaluunniit siusinaartumik pensionisiaasa aapparisaamut qimagaasumut utoqqalernermi pensionisialimmut siusinaartumilluunniit pensionisialimmut qaammatini marlunni tunniunneqartarnissaat Ilaqutariinnermut Ataatsimiititaliamit taparserneqarsinnaavoq.

Siunnersuutip aningaasatigut kingunerisassai pillugit Naalakkersuisut paasissutissiissutigisaat naapertorlugit siunnersuummik akuersissutiginninneq aningaasaliissutaareersut iluini ingerlanneqarsinnaavoq. Tamanna aamma atuuppoq siusinaartumik pensionisiallit siunnersuummut ilanngunneqassappata.

Kiisalu utoqqaat piginnaatitaaffii pillugit siunnersuisarnerup ersarissaavigineqarnissaa Ilaqutariinnermut Ataatsimiititaliamit kaammattuutigineqassaaq.

**Allannguutissatut siunnersuuteqarnissamik pisariaqartitsineq**

Siusinaartumik pensionisiaalit siunnersuummi aamma ilaatinneqassat Ilaqutariinnermut Ataatsimiititaliaq isumaqarpoq, taamaattumillu aalajangiiffigisassatut siunnersuummut allannguutissatut siunnersuummik saqqummiussinissaq pisariaqarluni.

Tamatuma kingunerisaanik aalajangiiffigisassatut siunnersuummut allannguutissatut siunnersuut Ilaqutariinnermut Ataatsimiititaliamit isumaqatigiittumit saqqummiunneqarpoq:

**Katissimallutik aappariit inooqatigiilluunniit aappaata toqunerani qimagaasoq toqukkut qimaguttup utoqqalinermi imaluunniit siusinaartumik pensionisiaanik qaammatini marlunni pisartagaqarsinnaaqullugu utoqqalinermi pensionisat aammalu siusinaartumik pensionisiat pillugit maleruagassanut allannguutissatut siunnersuummik 2010-mi saqqummiussinissamat Naalakkersuisut peqquneqarnissaannik aalajangiiffisassatut siunnersuut.**

**Inassuteqaat**

Allannguutissatut siunnersuut akuerineqassasoq ataatsimiititaliap isumaqatigiittup inassutigaa.

Taama oqaaseqarluni Ilaqtariinnermut Ataatsimiititaliap siunnersuut aappassaaniigassanngortippaa.

Debora Kleist  
Siulittaasoq

Jane Petersen

Astrid Fleischer Rex

Ruth Heilmann

Naja Petersen  
Knud Kristiansen sinnerlugu